

uum/5553/um/13.09.2001/p:3(4).

um 13/09/2001 3:4 UMI 12

UUM tambah kemudahan pelajar

UNIVERSITI Utara Malaysia (UUM) membuka sebuah lagi kompleks kediaman pelajar yang boleh menampung sehingga 6,000 pelajar.

Projek secara "turnkey" ini menelan belanja RM53.2 juta mengandungi empat blok kediaman sebilik berdua dan berempat yang boleh didiami 1,500 pelajar tiap satu blok.

Menurut Ketua Penolong Pendaftar (Perhubungan Awam), Mohd. Zaini Nasri dengan siapnya kolej ini, pelajar tahun pertama jurusan Perakaunan seramai 300 orang yang sekarang ini ditempatkan di Taman Siswa, Bandar Darul Aman, akan dipindahkan ke Kampus Sintok mulai Semester Kedua pada November akan datang.

UUM juga katanya, sedang membina satu lagi kolej kediaman pelajar di luar kampus bagi menempatkan seramai 4,500 pelajar dan dijangka siap menjelang Februari 2003.

"Pembinaan kolej kediaman pe-

lajar luar kampus ini bermula pada 8 Ogos 2001 yang lalu dan dilaksanakan secara 'Design & Build' dengan kos bernilai RM99.5 juta dan terletak di kawasan Bukit Kachi kira-kira 2km dari Kampus Sintok," katanya dalam satu kenyataan, baru-baru ini.

Kemudahan lain tambahnya, ialah sebuah kompleks akademik berharga RM23.965 juta mengandungi bilik pensyarah, bilik kuliah dan gugusan (cluster) dewan kuliah.

Ia telah disiapkan sepenuhnya pada 22 Mei 2001 dan digunakan untuk menempatkan Sekolah Teknologi Maklumat.

Sebuah lagi kompleks akademik dibina mulai 22 Mac 2001 lalu, menelan belanja RM18.5 juta dan dijangka siap pada September 2002, katanya.

Selain itu menurutnya, satu lagi gugusan dewan kuliah berharga RM6.4 juta juga sedang dibina bermula pada 9 Januari lalu dan dijangka siap pada Januari 2002.